

石
谿
讀
周
官

新刻讀周官序

安溪官石谿先生舉鴻博後以甲科入
詞林督學三省弊絕風清得人極盛歸
田三十年著述宏富而於三禮尤精廷
玉與先生爲同館後輩嘉慶戊辰又
偕文孫壽相同舉於鄉憶少時趨庭先

大夫亦時言在都與先生次公敏亭
君友善是廷玉以後輩而兼年世誼嚮
往久之讀周官一部精深考覈餐前人
未餐之秘別具苦心因備貲屬同年詳
校付刻以惠後學叙其緣起并諸簡端
而廷玉得附名以傳更爲厚幸至未刻

各種尙望有同心者
道光乙巳三月同安館後學蘇廷玉拜
譔

讀周官序

孟子稱周公思兼三王以施四事仍孔子監二代而損益之之說也周官成於元聖窮日夜竭心思之書經孔孟表而出之後之論治者舍是書奚以哉顧吾思焉以鄭康成一代通儒且漢之東去周未甚遠也而以口泉解賦法判鄉遂都鄙田制軍制而二之其立說自相牴牾者數矣賴後賢講去其非以歸於是夫豈其智不足以及之而後之人

之識又果能高出前哲乎哉經書義蘊大包小含
非萃衆巧不能成巨室非滙衆流不能成大川非
集衆人之思不能比類而通變審異而致同生於
漢唐宋元明經說大備之後師洙泗多聞闕疑家
法重以信好深心知者見知仁者見仁富有日新
殆測之而彌深引之而彌出也獻瑞最歲從吾師
望溪方先生學周官恭逢我

皇上命儒臣纂修三禮先生實董周官書獻瑞亦承乏

編校因得緡閱歷代講家名本擇其醇者錄正然
後奏

御裁決書成刊布學官多年矣老來溫經於易書詩春
秋儀禮凡數過是書從先生講貫最久又分修地
秋二官用心最劬功最勤居間尋繹前聞偶有觸
發得若干條并舊章草藁繕爲六冊夫其宏綱大
旨具載

欽定書中是詹詹者無異毫末之在馬體然因是悟聖

人之廣大精微遭際

明盛折衷羣言善并美備譬如陽燧取火於日陰燧取水於月無不各得其欲以去惜也年歲旣晏嚮往愈殷追企愈難三復孔孟之言徒深嘆喟焉爾已乾隆戊戌季夏石谿識時年七十有六

石谿讀周官第一

安溪官獻瑤述

孫壽相 仝杉

天官冢宰第一

惟王建國辨方正位體國經野設官分職以爲民極

六官皆設官分職以遂民生復民性而納之于規範之內故曰爲民極也必先言辨方正位體國經野者方位正國野分而國乃建建國而後設官分職事之序也

乃立天官冢宰使帥其屬而掌邦治以佐王均邦國

管子云本末舛逆首尾衡決非甚有紀惡可爲治治則物得其宜事得其叙絕去舛逆衡決之病均孰甚焉

治官之屬大宰卿一人小宰中大夫二人宰夫下大夫四人上士八人中士十有六人旅下士三十有二人府六人史十有二人胥十有二人徒百有二十人

以其長六卿曰冢宰以其爲治官之正曰大宰大對小言也

宮正上士二人中士四人下士八人府二人史四人

胥四人徒四十人

宮正掌王宮之政令與內宰掌王內之政令相對自膳夫以下執事在王宮以內者內宰掌之內宰下大夫宮正乃以上士爲之內者內宰所掌關后夫人嬪御之陰禮陰事宮正所掌止官中官府之徒役與宮伯所領卿大夫子弟之戒令糾禁至於王身之飲食衣服財用別有官掌之官正不與焉與內宰所掌不獨事勢之繁簡不同體制之尊卑亦異宮正不以大夫爲之而以士官爲之也固宜

宮伯中士二人下士四人府一人史二人胥二人徒二十人

膳夫上士二人中士四人下士八人府二人史四人胥十有二人徒百有二十人

庖人中士四人下士八人府二人史四人賈八人胥四人徒四十人

庖人所共皆取之獸人等官及四時田狩所以充庖者亦設賈人以知物賈豈六畜六禽六獸以外有不足於供者亦有時而取于市歟抑乾豆賓客充君之庖必知物賈者然後能辨其物品之高下

而不
苟歟

內饗中士四人下士八人府二人史四人胥十人徒
百人

外饗中士四人下士八人府二人史四人胥十人徒
百人

亨人下士四人府一人史二人胥五人徒五十人

甸師下士二人府一人史二人胥三十人徒三百人

藉田在南郊甸師特兼掌之徒必三百人者薪蒸
之用多非此不能給非助王終畝之謂助王終畝

若庶人也

獸人中士四人下士八人府二人史四人胥四人徒四十人

獻人中士二人下士四人府二人史四人胥三十人徒三百人

獸人之徒僅四十人獻人之徒至三百人之多者獸人取之四時之田其非田而取者僅矣若季春薦鮪季冬薦魚祭與賓皆需之漁人非多其徒殺不可矣

鼈人下士四人府二人史二人徒十有六人

膳人下士四人府二人史二人徒二十人

醫師上士二人下士四人府二人史二人徒二十人

食醫中士二人

疾醫中士八人

瘍醫下士八人

獸醫下士四人

酒正中士四人下士八人府二人史八人胥八人徒

八十人

酒人奄十人女酒三十人奚三百人

自酒人至幕人皆奄爲之酒漿醢醢鹽幕內職也
不可以男子代之又不可以官司之嚴男女內
外之辨而製造之物必嫻必精周公窮日夜思而
得之此其一也秋官禁暴氏凡奚隸掌其出入註
謂奚象男女此役于女
酒其爲女奚無疑

漿人奄五人女漿十有五人奚百有五十人

凌人下士二人府二人史二人胥八人徒八十人

籩人奄一人女籩十人奚二十人

醢人奄一人女醢二十人奚四十人

醢人奄二人女醢二十人奚四十人

鹽人奄二人女鹽二十人奚四十人

冪人奄一人女冪十人奚二十人

宮人中士四人下士八人府二人史四人胥八人徒
八十人

掌舍下士四人府二人史四人徒四十人
幕人下士一人府二人史二人徒四十人
掌次下士四人府四人史二人徒八十人

次者惟幕幄帟可以爲暫時休息之稱幕人共之
掌次卽以所共者張之也鄭氏鐸解舍爲久留次
爲暫止是已以會同祭祀分屬之則非凡會同祭
祀皆有次次則在所舍之中而舍可以兼次次不
可以兼舍掌次與掌舍
二官之同而異者在此

大府下大夫二人上士四人下士八人府四人史八
人賈十有六人胥八人徒八十人

有大府無小府則大當讀如字合九府而掌之爲
天下財貨總滙故曰大府

玉府上士二人中士四人府二人史二人工八人賈
八人胥四人徒四十有八人

王府掌王之服御器用不以大夫而以士爲之一切皆稟命于大府猶九式退羞服于祭祀賓客喪荒之後大府以式貢之餘財共王玩好之用之深意也

內府中士二人府一人史二人徒十人

外府中士二人府一人史二人徒十人

外府有徒無胥與內府同豈邦布之入出外府司之而鑄造泉貨別有其官或隸于司空歟不然銅炭之執役實繁有徒豈十人遂足以供事乎

司會中大夫二人下大夫四人上士八人中士十有六人府四人史八人胥五人徒五十人

小宰以官府之六計弊羣吏之治第總其大凡而已必鈎考其功罪積日累月而後小宰之所弊者毫釐不差司會之責也其權重其職宜相埒次于大府之後者以財用必當會計不獨財用而已凡膳飲衣服亦財用之類皆當綜核其實故自膳夫而下司裘掌皮而上以司會之官筦其中譬如豚絡灌輸于全體之內而五官百數運動焉而不自知也其官尊與小宰俱掌典法則之貳以毗輔大宰卽大府內宰亦仰承焉
是天官六十屬之樞紐也

司書上士二人中士四人府二人史四人徒八人
職內上士二人中士四人府四人史四人徒二十人
職歲上士四人中士八人府四人史八人徒二十人

職幣上士二人中士四人府二人史四人賈四人胥
二人徒二十人

司裘中士二人下士四人府二人史四人徒四十人
掌皮下士四人府二人史四人徒四十人

內宰下大夫二人上士四人中士八人府四人中人
人胥八人徒八十人

內小臣奄上士四人史二人徒八人

閤人王宮每門四人圍游亦如之

寺人王之正內五人

內豎僖寺人之數

九嬪

世婦

女御

記云二十七世婦八十一御妻其數既多不必備
其人九嬪言數猶外官之九卿缺一不可也

女祝四人奚八人

女史八人奚十有六人

典婦功中士二人下士四人府二人史四人工四人

賈四人徒二十人

典絲下士二人府二人史二人賈四人徒十有二人
典臬下士二人府二人史二人徒二十人

內司服奄一人女御二人奚八人

縫人奄二人女御八人女工八十人奚三十人

司服縫人皆女御親其事不獨蠶織之勤卽製造
縫紵之功亦自王宮始縫人有女工以役女御而
司服則無之豈縫紵之事縫人專之司服之職惟
在辨其服之等差遇吉凶之事則共其衣服故工

人可
省與

采人下士二人府二人史二人徒二十人

追師下士二人府一人史二人工二人徒四人

屨人下士二人府一人史一人工八人徒四人

夏采下士四人史一人徒四人

大宰之職掌建邦之六典以佐王治邦國一曰治典

以經邦國以治官府以紀萬民

邦國通指侯國與官府萬民對舉而

邦國居先明邦國亦有官府萬民也二曰教典以
其治之紀之從可知餘五官放此

安邦國以教官府以擾萬民三曰禮典以和邦國
以統百官以諧萬民四曰政典以平邦國以正百
官以均萬民五曰刑典以詰邦國以刑百官以糾
萬民六曰事典以富邦國以任百官以生萬民五
之典俱冢宰建之苟五官不能舉其官則五官之
責卽冢宰之責通五官各盡其職而冢宰之職乃
盡猶春夏秋冬不失其序天心乃無憾卽坤元之
資生皆乾元之資始統之謂冢宰爲天官其義已
見於此以八灋治官府一曰官屬以舉邦治二曰官
職以辨邦治三曰官聯以會官治四曰官常以聽

官治五曰官成以經邦治六曰官瀼以正邦治七

曰官刑以糾邦治八曰官計以弊邦治

舉如合衆力以舉重

之舉各句意義明白惟聽官治頗難解官有常職不愆于素不後于時是之謂聽猶聽令之聽○耜卿李氏曰八法皆曰邦治官聯官常言官者官聯取會合衆官乃治官常則取官有常職不待聯而自治也有官聯官常則官職可脩矣以八則治都官成官法聯者聯此也常者常此也以八則治都鄙一曰祭祀以馭其神祭所當祭非所祭則不祭神依人而行若以法馭之

然者

二曰瀼則以馭其官三曰廢置以馭其吏四曰

祿位以馭其士五曰賦貢以馭其用六曰禮俗以

馭其民七曰刑賞以馭其威八曰田役以馭其衆

以八柄詔王馭羣臣一曰爵以馭其貴二曰祿

以馭其富三曰予以馭其幸四曰置以馭其行五

曰生以馭其福六曰奪以馭其貧七曰廢以馭其

罪八曰誅以馭其過

王操八柄以馭羣臣詔之者大宰也王以柄馭羣臣則柄

不下移大宰詔王以柄馭羣臣則柄不
予也如路車乘馬之類爵祿一定賜予不常有所
以幸寵之也過與罪對罪重
過輕注以責讓釋誅允當以八統詔王馭萬民

一曰親親二曰敬故三曰進賢四曰使能五曰保

庸六曰尊貴七曰達吏八曰禮賓

取羣臣有八其要歸在命討取

萬民亦有八其要歸在典禮皆奉天以出治也以九職任萬民一曰三農

生九穀二曰園圃毓草木三曰虞衡作山澤之材

四曰藪牧養蕃鳥獸五曰百工飭化八材六曰商

賈阜通貨賄七曰嬪婦化治絲枲八曰臣妾聚斂

疏材九曰閒民無常職轉移執事

治絲枲自典婦功頒于宮中始

故舉其貴者而稱之曰嬪婦實兼上下言之臣妾公卿大夫家之所畜也聚斂疏材編戶氓庶之事亦自貴者始力惡其不出於身也以九賦斂財賄一曰邦中之賦

二曰四郊之賦三曰邦甸之賦四曰家削之賦五
曰邦縣之賦六曰邦都之賦七曰關市之賦八曰
山澤之賦九曰幣餘之賦慄也程氏曰家削有餘
地均為公邑賦入于公
而家削亦當有賦觀左傳襄二
十二年穆叔令倍
御叔之賦侯國如此王畿可知
司勳凡頒賞地參
之一食賈疏云若采地之稅則
四之一蓋惟加田
無國征賞地有稅三之一則采
地有稅四之一
而差之其義自不可易由家削
而推之縣都其賦
一也○按邦國有貢都鄙則以
賦四之一為貢八
則賦貢以取其用公私之費斟酌
損益歸於均而
且安所謂馭也○金玉錫石丹青
鮫漁之利不可
以數計或有專其事者專其事者
無田可授者也則以其物為賦兼
其事者有田可

授而田不足于供則兼有事山澤之利以其物為貢以當賦山農澤農是也合是二者其義乃賅

以九式均節財用一曰祭祀之式二曰賓客之式

三曰喪荒之式四曰羞服之式五曰工事之式六

曰幣帛之式七曰芻秣之式八曰匪頒之式九曰

好用之式

祭祀賓客喪荒之費最夥故居先而羞服次之。○韜卿李氏曰工事幣帛芻秣

上與祭祀賓客喪荒羞服相關通而亦以供匪頒

好用者故叙于中間按此所謂均節財用合九賦

九貢九功之所入而以九者之式均之節之也九者之用或多或寡總使之均勻攤配無此盈彼細

推之患王制所云以三十九年之通制國用亦從九式

法

止有喪無荒蓋大府所以待用者專指九賦大宰
九式則通九賦九貢九功言之以三十年之通制
之備荒年之用雖有凶旱水溢民無菜色故以九
九式兼喪荒大府待用有喪而不及荒也
貢致邦國之用一曰祀貢二曰嬪貢三曰器貢四
曰幣貢五曰材貢六曰貨貢七曰服貢八曰旂貢
九曰物資曰邦國之用明九貢之物皆邦國之用
物取之于民者卽以其物爲貢不貴異
物也必分爲九者雖同出於九賦九功又各以其
國之所有如包茅取之荆橘柚取之揚是也
以九兩繫邦國之民一曰牧以地得民二曰長以
貴得民三曰師以賢得民四曰儒以道得民五曰

宗以族得民六曰主以利得民七曰吏以治得民

八曰友以任得民九曰藪以富得民

對天子至尊無

言降此則皆與民相比耦而維繫不散者乃天之
所為非一人所設也合九兩而戴一尊此所以聯天
下為一家中國為一人而會其有極歸其有 ○舉
極寡宰平治之道莫大乎此故以是終之長以
州之牧以概五等之君凡有地者舉六官之長以
概三百六十之官凡有爵者賢有德者道有行藝
者在位則大司樂師保之屬去位則鄉先生君子
之屬主謂公卿之有食邑者通畿內外而言不云
地而曰利祿也食其祿之入與民同利而已其
地非彼所得專也自比長以至鄉大夫自鄰長以
至途大夫皆吏也使民興能入使治之即以其鄉
之人治其鄉上下相得莫甚焉友如出入相友之

友五家爲比十家爲聯四閭爲族八閭爲聯使之
相保相受刑罰慶賞相及相共故曰以任得民也
藪職方氏所掌者舉藪而大川大浸概焉名山大
澤不以封非牧伯有地之君所得掌者爲民生之
大利故另正月之吉始和布治于邦國都鄙乃縣
叙于後

治象之法于象魏使萬民觀治象挾日而斂之治布
于邦國都鄙便包有邦國之君都鄙之長縣治象
使民觀法在內下云乃縣云云舉近以概遠又以
見萬民所觀之法乃大宰乃施典于邦國而建其
調和而后布之之法也
牧立其監設其參傳其伍陳其殷置其輔乃施則
于都鄙而建其長立其兩設其伍陳其殷置其輔

乃施灋于官府而建其正立其貳設其攷陳其殷

置其輔

注謂乃者更申勅之愚謂此更端之詞蓋上文和布者乃大宰治典與五官之各布

其典同此

所施之典則六典也不專以治典言矣

必云施典

則于邦國都鄙云云者以篇首第言邦

國而未詳

邦國官制第言都鄙亦未詳都鄙官制

故臚陳之

于先而退官府于後以六官之屬叙官

已詳之也

大國三卿司徒司馬司空已見尚書其

攝冢宰宗伯

司寇之說乃注家推言之第既云攝

則當以卿攝

不當以大夫攝攝兼也若以大夫

則不可謂兼

矣五大夫邦國都鄙一例看爲是

治以典待邦國之治以則待都鄙之治以灋待官

府之治以官成待萬民之治以禮待賓客之治

祀五帝則掌百官之誓戒與其具脩

以形體言謂之天以玉宰

言謂之帝帝分而為五者猶大極之有陰陽五行非有二也不必以先舉五帝為疑前期十

日帥執事而卜日遂戒及執事眡滌濯及納亨贊

王牲事及祀之日贊玉幣爵之事祀大神示亦如

之

祀大神示兼天地祀五帝

言天不一例故曰亦如之享先王亦如之贊

玉凡玉爵大朝覲會同贊玉幣玉獻玉凡玉爵

玉幣

以玉加于幣上也玉獻以玉兼皮若馬為獻也聘禮國君受玉受幣宰不離側冢宰在王左右以贊行禮是其職也玉凡玉大喪贊贈玉含玉
士喪禮爵禮賓時用之見儀禮

亦宰贊之作大事則戒于百官贊王命王砥治朝則贊
聽治眠四方之聽朝亦如之凡邦之小治則冢宰
聽之待四方之賓客之小治歲終則令百官府各
正其治受其會聽其致事而詔王廢置各正其治
句聽其致事而詔王廢置句先令百官府各正其
治百官府既正之而後冢宰受之會者司會所計
之治狀也曰百官府則司會亦在其中矣有治狀
然後就其所致之事而虛平其心以聽其所計之
當否而後詔王廢置慎之又慎也正其治者百官
也會之者司會也廢置者王也聽而詔王者冢宰
也無數層折三歲則大計羣吏之治而誅賞之
數語寫盡

小宰之職掌建邦之官刑以治王官之政令凡官之

糾禁

宮正掌王官之戒令糾禁而王內不與焉內宰掌治王內之政令而王官不與焉惟小宰

兼之

故曰掌治王官之政令凡官之糾禁注謂凡官指后官而言或曰后官包在王官內所謂凡官

如閹

人掌王官而及園游是也亦通官正內宰第掌其戒令糾禁其令之而不行禁之而不止則麗

于士

師之官刑而建之者小宰也非小宰建之官刑則王官之政令凡官之糾禁無由而治矣三官

聯職

而小宰之權尤重○建如建極之建其事非其官則不立也凡言建者放此

掌邦之

六典八灋八則之貳以逆邦國都鄙官府之治執

邦之九貢九賦九式之貳以均財節邦用以官

府之六叙正羣吏一曰以叙正其位二曰以叙進
其治三曰以叙作其事四曰以叙制其食五曰以
叙受其會六曰以叙聽其情八法治官府大宰職
其要小宰則職其詳
自此以下皆言其實○韜卿李氏以官叙爲官常
尊卑先後不可紊亂理之常也以叙爲常近是無
叙則亂有叙則治小宰佐以官府之六屬舉邦治
邦治者故以官叙爲先
一曰天官其屬六十掌邦治大事則從其長小事
則專達二曰地官其屬六十掌邦教大事則從其
長小事則專達三曰春官其屬六十掌邦禮大事

則從其長小事則專達四曰夏官其屬六十掌邦
政大事則從其長小事則專達五曰秋官其屬六
十掌邦刑大事則從其長小事則專達六曰冬官
其屬六十掌邦事大事則從其長小事則專達事
以不舉者以上有倡而下莫爲之輔下欲行而上
反事事掣其肘也大事從其長則大事舉小事得
專達則小以官府之六職辨邦治一曰治職以平
邦國以均萬民以節財用二曰敎職以安邦國以
寧萬民以懷賓客三曰禮職以和邦國以諧萬民

以事鬼神四曰政職以服邦國以正萬民以聚百
物五曰刑職以詰邦國以糾萬民以除盜賊六曰
事職以富邦國以養萬民以生百物治職之節財
用禮職之事
鬼神刑職之除盜賊事職之生百物其義易知惟
教職之懷賓客政職之聚百物義似濶遠蓋地官
主於敷五典以安擾兆民苟近者安而遠者不安
則職有未盡賓客安而後萬民無不安矣賓邦國
之大賓客邦國之小客懷賓客則邦國之安又可
知矣此遺人掌郊里之委積卽次于鄉官之後委
人以稍聚待賓客卽次于途官之後之意也政職
終以聚百物者大司馬之政修則其敢不來享莫
敢不來王如職方所掌四夷八蠻七閩九貉五戎
六狄之人民與其九畿六裔之數要如王之外府

然百物之聚可知矣非必納之大府而後爲以官
聚也百物聚而邦國服萬民正亦可知矣
府之六聯合邦治一曰祭祀之聯事二曰賓客之
聯事三曰喪荒之聯事四曰軍旅之聯事五曰田
役之聯事六曰歛施之聯事凡小事皆有聯以
官府之八成經邦治一曰聽政役以比居二曰聽
師田以簡稽三曰聽閭里以版圖四曰聽稱責以
傅別五曰聽祿位以禮命六曰聽取予以書契七
曰聽賣買以質劑八曰聽出入以要會以聽官

府之六計弊羣吏之治一曰廉善二曰廉能三曰

廉敬四曰廉正五曰廉濫六曰廉辨

八法獨遺官刑者以見於

秋官刑法是其專職又下文令於百官府不共有大刑宰夫乘財用以官刑詔冢宰皆是也若官中之刑乃小宰之所以以濫掌祭祀朝覲會同賓客之建者又不待言矣

戒具

以賓客言之如公食大夫之禮使大夫戒各以其爵是戒凡宰夫之具饌于東房是具也

軍旅田役喪荒亦如之七事者令百官府共其財用治其施舍聽其治訟凡祭祀贊王幣爵之事裸將之事凡賓客贊裸凡受爵之事凡受幣之事喪

荒受其含祿幣玉之事

喪有含祿
荒有幣玉

月終則以官府

之叙受羣吏之要贊冢宰受歲會歲終則令羣吏

致事

所謂以叙作其事
以叙受其會也

正歲帥治官之屬而觀治

象之灋徇以木鐸曰不用灋者國有常刑乃退以

官刑憲禁于王宮令于百官府曰各修乃職攷乃

灋待乃事以聽王命其有不共則國有大刑

帥屬
觀治

象非已之所建也憲官刑之禁于王宮乃
小宰之事職曰常刑曰大刑輕重自見

宰夫之職掌治朝之灋以正王及三公六卿大夫羣

吏之位掌其禁令

燕朝外朝王之御之也有時以燕朝外朝士掌之治朝乃王日所

視以聽事者大宰贊聽治宰夫則正百官之位以

蕭朝儀猶小宰之以叙正其位也但小宰所馭者

廣宰夫則第以叙羣吏之治以待賓客之令諸臣

叙正朝位而已

之復萬民之逆

猶小宰之以叙進其治也但此所叙者乃治朝羣吏之治耳令自上

而下者復逆自下而上者皆羣吏主之宰夫則爲

之叙而待之令單舉賓客者九式以祭祀先賓客

次之祭祀有常期賓客或不時而至待之厚掌百

薄等差隨時出令故于治朝見之以概其餘

官府之徵令辨其八職一曰正掌官灋以治要二

曰師掌官成以治凡三曰司掌官灋以治目四曰

旅掌官常以治數五曰府掌官契以治藏六曰史

掌官書以贊治七曰胥掌官叙以治叙八曰徒掌

官令以徵令

自要而九而目而數皆一事也析之則愈細而愈詳合之則有體而有要

本末先後釐然畢舉成周治典獨冠千古者以此
○胥徒中之有才智者凡事至物來能曲得其次

序便是才智發見處

掌治漚以攷百官府羣都縣鄙之治乘

其財用之出入凡失財用物辟名者以官刑詔冢

宰而誅之其足用長財善物者賞之

大府而下掌財用司會而

下掌數計互相稽覈法詳矣窮其流弊至失財辟名而止而諸職不及焉獨以宰夫專其事蓋宰夫

太宰之考也邦用太宰主之宰夫成之嚴官刑之法則百物皆完善并倉儲貫朽亦無患焉然後大府司會得用其心力以相鉤考是立法之最密者也以式灋掌祭祀之戒具與其薦羞祭祀先戒次具禮行之時薦豆爲先至羞庶羞內羞則祭將畢矣舉首尾以該中從大宰而眡滌濯凡禮事贊小宰比官府之具

凡朝覲會同賓客以牢禮之法掌其牢禮委積

膳獻飲食賓賜之煖韋與其陳數掌待賓客之禮是宰夫專職故

治朝叙羣吏之治以待賓客之令爲先凡邦之弔事掌其戒令與其

幣器財用凡所共者士喪禮始死未行他禮卽計于君喪家一計而已君隨遣

人弔弔畢旋祿祿畢贈贈相繼而至以設官事
泣其事宜乎哀卹之亟如凡民之匍匐以救也
大喪小喪掌小官之戒令帥執事而治之對王與后稱執
事其實卽三公六卿之喪與職喪帥官有司而治
官有司也之凡諸大夫之喪使其旅帥有司而治之歲終
則令羣吏正歲會月終則令正月要旬終則令正
日成而以攷其治治不以時舉者以告而誅之此與
司會聯事者宰夫令正日成而後司會以參互攷
之令正月要而後司會以月要考之令正歲會而
後司會以歲會考之司會自日而上溯之歲是由
數以及凡故曰以周知四國之治以詔廢置宰夫

由歲而下核之日是由凡以及數正歲則以灋警

故曰治不以時舉者以告而誅之

戒羣吏令脩官中之職事書其能者與其良者而

以告于上此與內宰官正官伯聯事者小宰以官

告于上所

以勸之也

官正掌王宮之戒令糾禁以時比官中之官府次舍

之衆寡爲之版以待夕擊柝而比之國有故則令

宿其比亦如之

官府不皆在官中此所比者乃官

官吏徒役也舍寓居也次暫時休息也舉次舍之

衆寡而其居處休息于次舍人數之衆寡該之矣

此謂官伯所掌之士庶子入直宿衛者官正掌之
故言官府兼及次舍。夕擊柝官禁徹巡尤嚴于
夜擊柝以比士。辨外內而時禁稽其功緒糾其德
庶子之宿衛者。行幾其出入均其稍食去其淫怠與其奇衰之民

會其什伍而教之道藝

自內宰言之王內為內王
官為外自宮正言之官外

為外官內為內界限明庶內外往來進止各有定
所禁者禁其雜也。淫怠與能者反奇衰與良者
反不言官吏者凡官刑小宰宰夫掌之也官正去
其民之不能不良者而後宰夫乃擇其能者良者
書之二官
相聯事月終則會其稍食歲終則會其行事

凡邦之大事令于王宮之官府次舍無去守而聽

政令

邦有大事供役之人繁多凡在版者皆宜先期聚以待事此通指官吏士庶子與國有施

令宿專指士庶子者不同

春秋以木鐸修火禁

火禁無時不謹此特因火星出

入而申令以警動之修修舊典也

凡邦之事蹕官中廟中則執燭

開人蹕官門廟門此云蹕官中廟中注故知為諫僕

大喪則授廬舍辨其親

疏貴賤之居

官伯掌王宮之士庶子凡在版者掌其政令行其秩

叙作其徒役之事授八次八舍之職事

合四正四隅皆有次

舍以衛王宮更番直宿者士庶子也與官府之常在官中者不同故官正職兼言官府官伯職第言

舍^次若邦有大事作官衆則令之月終則均秩歲終則均叙以時頒其衣裘賞其誅賞

膳夫賞王之食飲膳羞以養王及后世子凡王之

饋食用六穀膳用六牲飲用六清羞用百有二十

品珍用八物醬用百有二十壘

非所當用者則不敢以饋凡膳夫所

饋者皆飲食之正味所謂養也總列所饋之數以見惟辟玉食然未嘗求難得之物以恣口腹之奉非謂每食必備所饋之數也苟所饋之數每王日必備下丈不應複言王日一舉矣
一舉鼎十有二物皆有俎以樂侑食膳夫授祭品

嘗食王乃食卒食以樂徹于造

用樂與飲食相始聲和味和則

和變理陰陽自王躬始膳夫之職卽太宰之職也

王齊日三舉大喪則不

舉大荒則不舉大札則不舉天地有裁則不舉邦

有大故則不舉

王燕食則奉膳贊祭

凡王祭

祀賓客食則徹王之胙俎

凡王之稍事設薦脯

醢 王燕飲酒則爲獻主

掌后及世子之膳羞

無授祭嘗食之禮但掌其膳羞而已其小心調養與王同故日以養王及后世子

凡肉脩

之頒賜皆掌之凡祭祀之致福者受而膳之以摯

見者亦如之古人受祭肉必拜非君之臣不敢受
以其物也儀禮凡行禮必有脯醢肉歲終則會唯
羞之用最多其頒其受皆膳夫掌之

王及后世子之膳不會

庖人掌其六畜六獸六禽

禽獸之類最夥所共之數與家畜同示用物有節也

其所共者必非難得之物獸如狼麋之類禽如雉鴈之類必如注疏指定爲何物以實之鑒矣辨

其名物凡其死生蠃燕之物以其王之膳與其薦

羞之物

辨其名物指六畜六獸六禽也既辨其物而物之中又有死者生者蠃者燕者其性

不同亦宜辨之加一凡字又不僅六畜六獸六禽而已凡爲膳爲薦爲羞所共于王者皆庖人之所

辨也蓋獸人獻人及時田之所獲皆入於君庖故
設庖人之官以辨其良否然後授之饗人辨其體
名肉物及腥臊羶薌不可食者然後膳夫品嘗會
王乃食慎之又慎君上之敬身臣下之忠上兩得
之矣及后世子之膳羞其祭祀之好羞其喪紀之庶
羞賓客之禽獻凡令禽獻以濫授之其出入亦如
之凡用禽獻春行羔豚膳膏香夏行腍鱠膳膏
臊秋行犢麋膳膏腥冬行鱣羽膳膏膋合之秋所
行之犢乃
牛羊豕之小者耳牛羊豕入鼎俎其小
者以爲禽獻不貴難得之物亦可見矣歲終則會
唯王及后之膳禽不會

內饗掌王及后世子膳羞之割亨煎和之事辨體名

肉物辨百品味之物 王舉則陳其鼎俎以牲體

實之選百羞醬物珍物以俟饋羞醬之品多珍之品無多然亦非常

御之物自當選以俟饋若六牲則每日一舉六穀六清則日用必需舉其選以俟饋者而其不待選

而饋者自在言外立其后及世子之膳羞 辨腥

臊羶香之不可食者牛夜鳴則膺羊冷毛而毳羶

犬赤股而躁臊鳥鵞色而沙鳴狸豕盲眊而交睫

腥馬黑脊而般臂蠹不言雞者鳥可兼雞與他牲不同 凡宗廟之

祭祀掌割亨之事凡燕飲食亦如之凡掌其羞脩

刑膳胖骨鱠以待其膳凡王之好賜肉脩則養人

共之亦膳夫掌之
養人共之

外饗掌外祭祀之割亨其其脯脩刑膳陳其鼎俎實

之牲體魚腊凡賓客之飧饗饗食之事亦如之據此

則王祭祀賓客皆養人實鼎俎而祀載不用賓與
他有司與或養人實鼎俎既實俎而後六卿
之長乃奉牲俎以贊王與賓客飧饗則養人陳之
而王乃遣六卿之正貳致之與抑此乃王禮而特
牲少牢所載乃臣禮
不可混而一之與
邦饗耆老孤子則掌其割亨

之事饗士庶子亦如之 師役則掌共其獻賜脯

肉之事 凡小喪紀陳其鼎俎而實之

亨人掌共鼎鑊以給水火之齊職外內饗之饗亨養

辨膳羞之物 祭祀共大羹鉶羹賓客亦如之公按

食大夫禮大羹湑不和實于登宰右執登左執蓋以授公設之而後宰夫設鉶四于豆西據此則大

羹在鑊先進于賓訖然後亨人用菜和肉于湑中乃自鑊升之鉶器為鉶羹亨人掌鑊故共大羹兼

及鉶羹與

甸師掌帥其屬而耕耨王藉以時入之以共齋盛

祭祀其蕭茅其野果菰之薦喪事代王受膏熬

王之同姓有辜則死刑焉

以其在鄉士途士斷士方士適中之處能

不與民共之惟刑于甸爲宜

帥其徒以薪蒸役外內褻之事

獸人掌罟田獸辨其名物冬獻狼夏獻麋春秋獻獸

物時田則守罟及弊田令禽注于虞中凡祭

祀喪紀賓客共其死獸生獸凡獸入于腊人皮毛

筋角入于玉府凡田獸者掌其政令

獸人掌以時獻爲梁

獸人取魚以時而獸人不言者於四時之田見之陳綱罟以取

魚非君上之事故春獻王鮪辨魚物爲鱣鮓以共

王膳羞凡祭祀賓客喪紀共其魚之鱣鮓鮮與鮓皆獻人

共之獸則腊人共乾者凡獻者掌其政令與獸人掌田獸

之政令同二官不但共王膳羞凡獻征入於玉府

余寓育物之意於取物之中

入于玉府不過筋骨之屬其爲物也僅矣鼈人掌取互物以時簠魚鼈龜蜃凡狸物春獻鼈蜃

秋獻龜魚祭祀共麋羴蜺以授醢人掌凡邦之簠

事

腊人掌乾肉凡田獸之脯腊膳脾之事所以別夫內饗之內也

膳脾之出於牲者凡祭祀共豆脯薦脯膳脾凡腊物賓

客喪紀其其脯腊凡乾肉之事

醫師掌醫之政令聚毒藥以共醫事毒以治瘍藥以治病又瘍醫療

瘍以五藥則瘍亦有藥舊解毒藥連讀謂凡藥皆有毒恐誤凡邦之有疾病者

死瘍者造焉則使醫分而治之歲終則稽其醫

事以制其食十全為上十失一次之十失二次之

十失三次之十失四為下

食醫掌和王之六食六飲六膳百羞百醬八珍之齊
凡食齊視春時羹齊視夏時醬齊視秋時飲齊視
冬時 凡和春多酸夏多苦秋多辛冬多鹹調以
滑甘 凡會膳食之宜牛宜稌羊宜黍豕宜稷犬
宜梁鴈宜麥魚宜苽 凡君子之食恆放焉內則所記
與食醫所掌大致相同后王命冢宰降德于衆
兆民上下其之所以躋斯民于仁壽此其一也
疾醫掌養萬民之疾病四時皆有癘疾春時有瘡首
疾夏時有痒疥疾秋時有瘧寒疾冬時有嗽上氣

疾以五味五穀五藥養其病

能如食醫之防病于未然者上也

得已而有病亦當以調養為急務調養先以五味五穀而五藥又次之一言盡療病之方

氣五聲五色視其死生兩之以九竅之變參之以

九藏之動

氣者呼吸之息也由氣而聲而色自微而顯症候了然九竅言變轉移無常九

藏言動微眇難定兩之參之畢竟以五氣五聲五色為證數語括視病之要

凡民之有

疾病者分而治之死終則各書其所以而入于醫

師史記淳于意答詔問即書其所以之據如灼見藏府之癥結然三代之民所以順化以終而無

天札也

瘍醫掌腫瘍潰瘍金瘍折瘍之祝藥劑殺之齊 凡
療瘍以五毒攻之以五氣養之以五藥療之以五
味節之 凡藥以醯養骨以辛養筋以鹹養脉以
苦養氣以甘養肉以滑養竅凡有瘍者受其藥焉
獸醫掌療獸病療獸瘍 凡療獸病灌而行之以節
之以動其氣觀其所發而養之 凡療獸瘍灌而
劑之以發其惡然後藥之養之食之 凡獸之有
病者有瘍者使療之死則計其數以進退之

酒正掌酒之政令以式灋授酒材

儀禮少牢筮得吉宰命爲酒凡卿大夫

夫祭祀皆得爲酒其多寡之數厚薄之齊必有一
定之式其政令皆酒正掌之不能盡人而共之也
酒諸禁羣飲酤酒酒正之政令行焉必凡爲公酒
無敢犯者卽或犯焉亦可從而糾之矣

者亦如之 辨五齊之名一曰泛齊二曰醴齊三

曰盎齊四曰緹齊五曰沈齊 辨三酒之物一曰

事酒二曰昔酒三曰清酒 辨四飲之物一曰清

二曰醫三曰漿四曰醕掌其厚薄之齊以共王之

四飲三酒之饌

飲以爲漱酒以爲醕飲薄而酒厚
就四飲三酒中又各有厚薄焉掌

其齊所以養陽氣也及后世子之飲與其酒 凡祭祀以瀹

共五齊三酒以實八尊大祭三貳中祭再貳小祭

壹貳皆有酌數此酌以實尊之數也而實解實爵酌數之多寡亦由茲而定必無沈

酒之唯齊酒不貳皆有器量儀禮冠用醴醴啐而患矣

亦啐而不飲可知此齊酒所以不用貳也王五齊尸備大夫僅得用醴齊進而國君必有加焉然不可

考共賓客之禮酒共后之致飲于賓客之禮醫醴

糟皆使其士奉之聘禮諸侯夫人致飲共賓客醴黍清此王后致禮用醫醴糟一

質一文質為上也漿人職夫人致飲于賓客之禮醫醴糟而先以清醴即此意也凡王之

燕飲酒其其計酒正奉之凡饗士庶子饗者老孤

子皆共其酒無酌數無酌數與上文共其計相對立文燕禮羣臣諾君之賜曰

敢不醉而以徹畢終未嘗無酌數也無酌數者掌惟饗士庶子者老孤子而已仁之至義之盡也

酒之賜頒皆有法以行之凡有秩酒者以書契授

之賜頒不時者秩酒有常者賜頒雖不用書契然亦按已行之成例行之不能踰其節也酒

正之出日入其成月入其要小宰聽之入其成入其要皆酒

正以所出用之酒入于小宰也嚴其出所以杜甘酒之源注謂受用酒者日言其計於酒正酒正月

盡乃言于小宰按歲終則會唯王及后之飲酒不

之與經文不合

會以酒式誅賞

酒人掌爲五齊三酒祭祀則共奉之以役世婦共奉之而

并爲之役禮之重者也不爲之役而第其奉之其

次也有人奉之而已第共之又其次也凡三等經

文序次共賓客之禮酒飲酒而奉之注以飲酒爲

犁然大夫飲酒與漿飲相對飲酒從正饌於東漿飲從

加饌於西賓食正饌先飲漿食加饌乃飲酒酒人

掌爲酒故共賓客飲酒凡事共酒而入于酒府凡

其漿飲則漿人共之

祭祀共酒以往賓客之陳酒亦如之

漿人掌共王之六飲水漿醴涼醫酏入于酒府

所共者六

禮記集說卷一百一十五

飲而以漿人名官以公食禮推之食畢先飲漿必
 不可缺醴涼醫醴或不時飲之舉其多者名之與
 六飲上水如三酒上元酒自漿以下其賓客之稍
 皆煮米為之但有清濁濃淡之分耳
 禮共夫人致飲于賓客之禮清醴醫醴糟而奉之
 曰清醴所以別於五齊之濁醴也醫醴有糟而醴
 無之清醴與酒正所辨之濁醴不同可知矣蓋醴
 齊以祀神若降與六飲同等凡稍禮國事皆用之
 失其序矣鄭注每混而一之宜詳考○清醴列于
 六飲與飲酒又不同注解士冠禮禮賓謂凡飲其
 以清醴獻賓是以清醴為飲酒矣亦恐誤
 之

凌人掌冰正歲十有二月令斬冰三其凌
 斬冰于正歲之十二

月治鑑于春頒冰于夏刷于秋四時皆用夏正而
春秋所紀皆周正可知周官一書未見之施行使
周公相成王遲之又久周官所紀必
一見之行事其行夏之時也決矣
春始治鑑凡
外內饗之膳羞鑑焉凡酒漿之酒醴亦如之
酒屬衆人不可以清醴混干
酒人所爲濁醴也決矣
祭祀共冰鑑賓客共

冰大喪共夷槃冰夏頒冰掌事秋刷

籩人掌四籩之實朝事之籩其實麴蕡黃白黑形鹽臠

鮑魚鱠

塞外鹽池積鹵所結無形不有虎形其一
耳內饗掌共臠脾魚肉之鮮皆有之鄭注

連下鮓鮓通指魚言豈以鮮肉
當入豆不入籩與宜詳考
饋食之籩其實棗

榛有乾者明棗栗桃亦可乾也若
榛實之用乾不待言矣此饋食之

加邊之實凌芡桌脯菱芡桌脯羞蓮之

實糗餌粉飧凡祭祀共其籩薦羞之實喪事及賓

先言其其邊薦羞之實明
共邊并其邊之實又恐混

薦羞而一之復于賓喪並列薦羞遵遵雖有四節之禮合而言之爲薦爲羞二而已

醯人掌四豆之實朝事之豆其實韭菹醢昌本麋

鵲菁菹鹿鵲茆菹麋鵲饋食之豆其實葵菹羸醢

脾析麤醢蜚醢豚拍魚醢加豆之實芹菹兔醢

深蒲醢醢箔菹鴈醢筍菹魚醢羞豆之實醢食糝

食

賈氏謂糝飯無肉則入蓬醢糝米肉俱有則入豆以是推之凡蓬豆實之所以異者可知矣

凡祭祀共薦羞之豆實賓客喪紀亦如之爲王及

后世子共其內羞王舉則共醢六十簋以五齊七

醢七菹三醢實之

據此則簋雖多其實之品二十有二而已并醢人之所實亦

在內非有難繼之物也

賓客之禮共醢五十簋凡事共醢

醢人掌其五齊七菹凡醢物以其祭祀之齊菹凡醢

醬之物賓客亦如之王舉則共齊菹醢物六十簋

共后及世子之醬齊蒞賓客之禮共醢五十簋凡
事共醢

鹽人掌鹽之政令以其百事之鹽祭祀共其苦鹽散

鹽賓客共其形鹽散鹽王之膳羞共飴鹽

飴鹽出
于池以

風成者味甘今
河西一帶有之后及世子亦如之凡齊事醬鹽以

待戒令

冪人掌共巾冪祭祀以疏布巾冪八尊以畫布巾冪

六彝凡王巾皆黼

巾以冪物或以時
故云凡以概之

官人掌王之六寢之脩爲其井匱除其不蠲去其惡

臭

曰爲曰除曰去皆脩也

共王之沐浴凡寢中之事埽除執

燭共鑪炭凡勞事四方之舍事亦如之

掌舍掌王之會同之舍設櫨杙再重設車官轅門爲
壇壝宮棘門爲帷宮設旌門無宮則共人門凡舍
事則掌之

幕人掌帷幕幄帟綬之事凡朝覲會同軍旅田役祭
祀共其帷幕幄帟綬大喪共帷幕帟綬三公及卿

大夫之喪其其帟

掌次掌王次之灋以待張事王大旅上帝

先云旅上帝次及祀

五帝大宰職先云祀五帝而後及大神示皆則張互見不知者尊五帝于大神示之上過矣

種案設皇邸

盛其儀也種案與几筵一類疑此乃司几筵其之非幕

人所共者故朝日祀五帝則張大次小次設重帟

先及之與重案合諸侯亦如之師田則張幕設重帟重案諸

侯朝覲會同則張大次小次師田則張幕設案

重不

可知矣此亦如設席之或孤卿有邦事則張幕設加或不加皆禮之等也

案凡喪王則張帟三重諸侯再重孤卿大夫不重
凡祭祀張其旅幕張尸次射則張耦次掌凡邦之
張事

大府掌九貢九賦九功之貳以受其貨賄之入頒其
貨于受藏之府頒其賄于受用之府凡官府都鄙
之吏及執事者受財用焉除九貢九賦九功外無所謂貨賄者其正在冢宰以制國用大府受其貳以佐冢宰故總其入數而頒之於內外府與凡官府郊野都鄙及畿外分府之以待用受藏之府謂內外府玉府也受用之府謂官府郊野都鄙畿外分府也內外府非

無用也。以在王城之內，主於藏；以待用，各處分貯之。府非無藏也，在王城之外，主於用。其有餘者，乃藏之。亦僅矣。猶頒貨頒賄，互文見義。恐其意未明，復繼之曰：凡官府都鄙之吏及執事者，受財用焉。以見執事財用可就近所貯者受之，不必皆受之內外府也。如今功令有貯於戶部之財物，卽受藏之府也。貯於布政司，卽受用之府也。注以職內爲受用之府，職內掌數未嘗掌財，又有以外府爲受用之府，外府主邦布以鑄造之所，不在官城之內。而外之耳。與內府相聯事，無取乎分而頒之也。○按周官貨賄之府，自郊野縣都以至畿外，所在有之。散見六職如遺人、職門、關、委積，以至養老孤之類。凡頒財以式，灋授之關，市之賦以待王之膳服，邦中之賦以待賓客，四郊之賦以待稍秣，家削之賦

以待匪頒邦甸之賦以待工事邦縣之賦以待幣

帛邦都之賦以待祭祀山澤之賦以待喪紀幣餘

之賦以待賜予

九式以祭祀爲先大事在祀之義也此以膳服爲先惟辟玉食之義

也合之其義乃備

凡邦國之貢以待弔用凡萬民之貢以

充府庫凡式貢之餘財以供玩好之用

邦國之貢應掌九貢

之貳萬民之貢應掌九賦九功之貳是皆式貢之財也必有餘財乃以供玩好之用先其所急而後

其所緩卽冢宰制邦用量入以爲出之法而大府貳之者也凡邦之賦用取具

焉

大府貳冢宰制邦用量入爲出以邦之賦供邦之用取具于大府見其職之重也

歲終

則以貨賄之入出會之

玉府掌王之金玉玩好兵器凡良貨賄之藏

金玉服用必需

非玩好已下比金玉應統在膳服內出于關市之賦所供者玩好已下出于式貢之餘財所供者故列金玉于先而以玩好已下次之內府職云良兵良器可証兵與器爲二物

共王之服

玉佩玉珠玉王齊則共食玉大喪共含玉復衣

裳角枕角栖掌王之燕衣服衽席牀第凡褻器

此亦在膳服內出于正賦所供者送死大事燕私衣服王親身之物不應以式貢之餘財供之也

若合諸侯則共珠槃玉敦凡王之獻金玉兵器

文織良貨賄之物受而藏之 凡王之好賜共其

貨賄

內府掌受九貢九賦九功之貨賄良兵良器以待邦

之大用 凡四方之幣獻之金玉齒革兵器凡良

貨賄入焉

凡四方之幣獻獻于王也玉府職凡王之獻獻于諸侯諸臣也上下相饋皆以

獻稱乃交相愛敬之意鄭注自無可疑

凡適四方使者共其所受之

物而奉之 凡王及冢宰之好賜予則共之

冢宰得與

王同賜予手足腹心一體之義

外府掌邦布之入出以其百物而待邦之用凡有漚

者共王及后世子之衣服之用凡祭祀賓客喪

紀會同軍旅其其財用之幣齋賜予之財用凡

邦之小用皆受焉外府掌邦小用與內府掌邦大用相對大用小用皆用也不可

專以內府爲受藏之府又不可歲終則會唯王及

后之服不會王及后之衣服用及泉布至纖至悉必逐件會之非奉事至尊之體又恐

人習而不察以爲上之用財可無限制也故司書

會掌之司書既考而書之書而仍闕之不會一以

尊至尊一以知每年服用之多寡于國體事勢兩

得之矣後世諛佞之臣反藉經語以獻媚于王非失其本心者與

司會掌邦之六典八灋八則之貳以逆邦國都鄙官府之治以九貢之灋致邦國之財用以九賦之灋令田野之財用以九功之灋令民職之財用以九式之灋均節邦之財用先叙典灋則次乃及財用使人知財用出入皆爲經邦理國起見而欲核官方吏治之殿最仍掌國之千財用之息耗見之本末先後犁然具備官府郊野縣都之百物財用凡在書契版圖者之貳以逆羣吏之治而聽其會計書契版圖司書掌其正會計鈎逆則

司會專職也民財夫家六畜之數必以參互攷日

羣吏先上之司書而後司會聽其貳

成以月要攷月成以歲會攷歲成

參互猶言參伍

而足必指定如何為參如何為互則鑿矣司會以

歲計而先之以月又先之以日于日而參互之則

月與歲之參互統之矣以周知四國之治以詔王

參之互之所謂會也及冢宰廢置此八柄有廢有置而爵祿誅置隨其後

周知而詔之者司會也舉四國以治天下之大權而

鄙天官官正而外司會之權與官貳埒矣司書掌邦之六典八灋八則九職九正九事邦中之

版土地之圖

版舉邦中九賦自邦中始也土地兼五土此言土地下文言山林川澤皆

相備

以周知入出百物以叙其財受其幣使入于職

幣 凡上之用財用必攷于司會三歲則大計羣

吏之治以知民之財器械之數以知田野夫家六

畜之數以知山林川澤之數以逆羣吏之徵令

羣吏

如地官載師問師凡有地治之官取于民財之徵

令也司會職掌國之官府郊野縣都之百物財用

凡在書契版圖者之貳亦兼民財及田野夫家六

畜之百姓足君孰與不足所以稽吏治之殿最

者在此第文 凡稅斂掌事者受灋焉及事成則入

有詳畧耳

要貳焉 凡邦治攷焉

所考者邦治以別乎邦教邦禮邦政各典也

職內掌邦之賦入辨其財用之物而執其總以貳官

府都鄙之財入之數以逆邦國之賦用

大府所掌九貢九賦

九功之貳其正在太宰職內所貳官府都鄙財入之數其正亦在太宰或謂其祇存於官府都鄙之吏是本末倒置誤矣職內貳大府卽以貳冢宰故日以逆邦國之賦用以冢宰制國用而邦之賦用取具於大府也
凡受財者受其貳令而書之
頒其貨頒其財大府必有

令下之內外府及各分貯之府卽以其副下職內書之於冊職內及會與職歲同逆官府財用之出者恃有此貳令也所受者貳令而未嘗及會以逆受財職內與職歲所掌惟文書而已
職歲與官府財用之出而叙其財以待邦之移用

司會合財用出入鈎考之職內專掌入數佐司會鈎考職歲所掌之出數相符與否二官所掌者數而已其財用之出則官府爲之必合職內職歲與出財用之官府互相鈎考而司會主之所謂參互也

職歲掌邦之賦出以貳官府都鄙之財出賜之數以

待會計而攷之

官府都鄙之財出賜之數其貳在職歲其正亦在大宰待會計之時

而與職內之入數參攷之猶職內之逆職歲也

凡官府都鄙羣吏之出財

用受式灋于職歲

承上文而言職歲掌邦之賦出所謂式法也不受之于大宰與

大府者設職歲之官所以互相檢校而分其任也唐書裴延齡誣德宗云臣檢校府藏于糞土中得

遺幣若干苟職內職歲之凡上之賜予以叙與職

法行奸人安得藉口與幣授之及會以式瀆贊逆會

猶職內之贊司會也

職幣掌式瀆以歛官府都鄙與凡用邦財者之幣

官府

都鄙凡用邦財皆以式瀆用之職幣亦以式瀆歛之既可杜用財者浮冒之弊而其所歛者皆所當歛者苛求之端亦無自生矣振掌事者之餘財皆辨其物而奠

其錄以書揭之以詔上之小用賜予歲終則會其出凡邦之會事以式瀆贊之

司裘掌爲大裘以其王祀天之服

大裘猶云大圭大路尊之也注家以

黑羊裘實之蓋祭天
尚質以意準之耳

中秋獻良裘王乃行羽物季

秋獻功裘以待頒賜王大射則其虎侯熊侯豹

侯設其鵠諸侯則其熊侯豹侯卿大夫則其麋侯

皆設其鵠大喪廞裘飾皮車凡邦之皮事掌

之歲終則會唯王之裘與其皮事不會

皮事蓋庭
實之類

掌皮掌秋斂皮冬斂革春獻之

獸之皮至秋而毛毳
至冬而毛毳斂皮以

秋爲始非至冬而不斂之也斂革則
以冬不以秋冬風烈革乃乾而不蠹

遂以式灋頒

皮草于百工共其毳毛爲毼以待邦事歲終則會

其財齎

內宰掌書版圖之灋以治王內之政令均其稍食分

其人民以居之

此稍食通北宮內之人民而言下文歲終會內人之稍食則專指內

人而言正歲均內人稍食施其功事及歲終則會而稽之事體當然經文偶倒介甫遂謂稍食歲終既會之正歲又均焉功事歲終既稽之正歲又施焉誤矣會內人稍食則凡宮內之人民亦會之不

言者于會內官之財用包之矣

以陰禮教六官以陰禮教九嬪以

婦職之灋教九御使各有屬以作二事正其服禁

其奇表展其功緒

三者于教九御見之不斥言世婦以上而實上下同之猶教陰

禮見之后夫人九嬪不及九御而亦上下同之也
國語敬姜云王后親織元紵夫人親織絰經后夫
人亦有織事可見其祭衣服正奇衰禁婦容婦言
婦德以漸而修矣功雖展婦功勤猶有休其蠶織
如詩所云者乎齊大祭祀后裸獻則贊瑤爵亦如
冢之道莫先于此

之正后之服位而詔其禮樂之儀贊九嬪之禮事
凡賓客之裸獻瑤爵皆贊致后之賓客之禮

凡喪事佐后使治外內命婦正其服位 凡建國

佐后立市

內宰職凡云詔云贊者其事專職也云佐者本有官為后任其事而內宰為之佐

即以佐后也喪事正外內命婦服位者內小臣之專事也。內小臣正后服位則正命婦服位可知

○立市設次置叙正肆者司市之專事設其次置也受獻絲枲之功者典婦功之專事也

其叙正其肆陳其貨賄出其度量淳制祭之以陰

禮

以此推之所謂以陰禮教六宮九嬪者蓋指祭祀喪紀賓客拜跪揖讓諸禮儀

中春詔

后帥外內命婦始蠶于北郊以爲祭服歲終則

會內人之稍食稽其功事佐后而授獻功者比其

小大與其麤良而賞罰之會內官之財用正歲均

其稍食施其功事憲禁令于王之北宮而糾其守

天子理陽事后治陰職然禁令無出自后之禮北宮屬之王陰從陽也○小宰掌王官不言后官者

統于王也內宰掌王內則王宮非所掌特揭之曰王之北官旣以別于王宮而又以見后官亦統於也王上春詔王后帥六官之人而生種稷之種而獻之于王

不獨養事親之穀種獻自后并王親耕之事亦相之矣

內小臣掌王后之命正其服位后出入則前驅若有祭祀賓客喪紀則擯詔后之禮事相九嬪之禮事正內人之禮事徹后之俎后有好事於四方則使往有好令於卿大夫則亦如之掌王之陰事陰令閤人掌守王宮之中門之禁喪服凶器不入官潛服

賊器不入宮奇服怪民不入宮凡內人公器賓

客無帥則幾其出入

內人兼女宮女奚之屬凡在王內者皆是也此等人在王

內本無爲之帥者至於出入中門亦無帥則闌人幾之重門禁也

以時啟閉凡外

內命夫命婦出入則爲之闢掌埽門庭大祭

祀喪紀之事設門燎蹕宮門廟門凡賓客亦如

之

夜則設門燎如燕禮闕人爲大燭於門外是也若庭墻則司宮庶子甸人親執之矣蹕官門廟

門先入官門而後入廟門故蹕有先後

寺人掌王之內人及女宮之戒令相道其出入之事

而糾之 若有喪紀賓客祭祀之事則帥女官而致於有司佐世婦治禮事 掌內人之禁令凡內人弔臨於外則帥而在立于其前而詔相之

內豎掌內外之通令凡小事若有祭祀賓客喪紀之事則爲內人蹕王后之喪遷于宮中則前蹕及葬執褻器以從遣車

九嬪掌婦學之灋以教九御婦德婦言婦容婦功各帥其屬而以時御叙于王所

自九御言則曰學自九嬪言則曰教太上

立德立功立言所謂三不朽者婦人與男子同之
見婦學女教之重也九嬪以德功言容教九御則之
九嬪以上皆以身先之矣內德之懋獨隆成凡祭
周舉其實四者盡之闕雖諸詩所載是也
祀贊王盥贊后薦徹豆籩 若有賓客則從后
大喪帥叙哭者亦如之

世婦掌祭祀賓客喪紀之事帥女官而濯概爲盥盛
又祭之日涖陳女官之具凡內羞之物濯概括凡祭器爲盥盛
盛之器亦在焉盥盛大夫用黍稷天子則兼用六
穀皆先期帥女官具之至祭之日女官乃陳其具
世婦親臨之舉內羞掌弔臨于卿大夫之喪
而盥盛不待言矣

女御掌御叙于王之燕寢

以次供御御之言侍也所謂奉巾拂抱衾榻是也先

儒專指御女言之遂有疑王每夕御女非所以保王躬者固矣以歲時獻功事凡

祭祀贊世婦

大喪掌沐浴后之喪持鬻

持鬻目后之喪

則大喪應兼王言或疑男子不死于婦人之手供給湯物不當以婦人為之經言掌沐浴供湯物者如鬻人大海設斗共其鬻鬻肆師築鬻大祝始崩以肆鬻潁尸女御則紀綱其事耳非親為之也

從世婦而弔于卿大夫之喪

女祝掌王后之內祭祀凡內禱祠之事

掌以時招

梗禴禳之事以除疾殃

上云禴祠以祈福也此云招梗招而梗之也梗禦也

如韓愈送窮文云命奴星結柳為車縛草為船具
却之也凡此皆以除疾殃與凡禱祠之禮又
不同疏解招為招取善祥是與禱祠一例矣

女史掌王后之禮職掌內治之貳以詔后治內政逆

內官

大宮之計女史鈎考之聞見詳密則絲髮不

患無從而生有女祝掌禱祠後世巫蠱詛祝書內
之禍無從而生禮之止邪于未形此類是也

令

凡后之事以禮從

禮指凡陰禮內宰教之其
書則女史執以從無敢須

也
與離

典婦功掌婦式之灋以授嬪婦及內人女功之事齋

續婦卽典絲所謂外工也內人卽典絲所謂內工也故合而言之曰女工事治絲泉之事也齊治絲泉之費也無以外及內者此以其多者及其寡者耳王宮內所用之布帛孔多豈內工所能供辨必借力于民家女婦工于女事者以事齋授之及獻功則辨其爲絲之良爲泉之苦使賈定其情粗大小之價頒之于內府以俱王及后以下之衣服下文凡授嬪婦功及秋獻功不及內人者亦舉其多而言也必頒之于內府者王宮除內府別無私藏也典絲職受良功而藏之典矣受苦功而藏之不言所藏者三官聯職所謂良功苦功卽典婦功之辨其苦良所謂藏卽典婦功所謂良功苦功卽典婦功也典婦功云其王及后之用典絲泉云待有司之政令上之賜予皆互文見義三官之設本以供王及后已下之衣服或有餘則賜予徵令亦於是取焉凡國家幣帛已列于九式非專取給于典婦功

也名官曰典婦功爲民間化治絲枲之倡導與九
職續婦相照應三官合觀之則義相補備分裂言
之則彼此格礙不通矣典婦功云以其物會之
皆總受司會之鈎考而典婦功不言亦此意也
授嬪婦功及秋獻功辨其苦良比其小大而賈之
物書而楬之以其王及后之用頒之于內府

典絲掌絲入而辨其物以其賈楬之

凡絲皆入于典
絲不入于典婦

功者明其爲典婦功之屬官也典枲亦
然三官聯事故其頒其受皆彼此互見
掌其藏與
其出以待興功之時 頒絲于外內工皆以物授
之 凡上之賜予亦如之 及獻功則受良功而

藏之辨其物而書其數以待有司之政令上之賜

予

物卽良功之物下文所云黼黻組就之物皆是

几祭祀

共黼黻組就之物喪紀其其絲纁組文之物几飾

邦器者受文織絲組焉歲終則各以其物會之

典泉掌布總纁紵之麻草之物以待時頒功而授齋

及獻功受苦功以其賈楬而藏之以待時頒

於典

受良功于典泉曰受苦功則良苦指絲泉明甚苦之言粗非濫惡之謂也此絲典泉分任良功苦功典婦功則兼掌之經文別

白注家自消之不可解

頒衣服授之賜予亦如

之歲終各以其物會之

內司服掌王后之六服褱衣揄狄闕狄鞠衣展衣緣

衣素沙

衣而袍製裏以素沙尚飾也此婦人之服異乎男子者

辨外內命婦

之服鞠衣展衣緣衣素沙 凡祭祀賓客其后之

衣服及九嬪世婦凡命婦其其衣服

典命再命受服指命夫也

其之者司服其命婦之服則內司服其之

其喪衰亦如之

后之喪其

其衣服凡內具之物

縫人掌王宮之縫線之事以役女御以縫王及后之

衣服 喪縫棺飾馬衣翬柳之材掌凡內之縫事

自衣晏柳之材已上皆其王及后之用專職也掌凡內縫事兼職也

染人掌染絲帛凡染春暴練夏纁玄秋染夏冬獻功

染帛如此染絲可知所染之色不特三者以天玄地黃夏翟備五色皆以供袞冕之用舉重而言

掌凡染事

追師掌王后之首服爲副編次追衡笄爲九嬪及外

內命婦之首服以待祭祀賓客

立文大輿與內司服同王后之服六

而外內命婦之服自鞠衣以下經明言之王后之首服三而內外命婦之首服不言自某以下者禮

窮則同首服之等三而已詩君子偕老副笄六珈
兩君夫人用副則三夫人世婦亦用副自九嬪而
下得服編與次可推而知也必云待祭祀賓客者
內司服凡祭祀賓客共居之衣服及九嬪世婦凡
命婦共其衣服追師之爲首服亦同之也古人再
命受服婦從夫而黃爲之服所以異之非祭祀賓
客以禮佐后則不喪紀其笄經亦如之笄猶丈夫
敢服是服貴之也喪紀其笄經亦如之笄猶丈夫
之經視冠也

屨人掌王及后之服屨

服以韋身王與后異其官屨則王與后同之貴賤之別也

爲赤舄黑舄赤纁黃纁青句素屨葛屨

辨外內

命夫命婦之命屨功屨散屨凡四時之祭祀以宜

服之

夏采掌大喪以冕服復于大祖以乘車建綏復于四郊

石谿讀周官卷一終